

Parlamentario Xiomara Maduro:
**BIBLIOTECA TA CONMEMORA
40 AÑA: DI BIBLIOTECA
PUBLICO PA BIBLIOTECA
NACIONAL**



WWW.SOLODIPUEBLO.COM



SOLODIPUEBLO@GMAIL.COM

SILENCIO DI GOBIERNO TA CAUSA PREGUNTA: KICO LO TA E SIGUIENTE PASO DI SINDICATONAN



Geoffrey Wever


5 Feb · 🌐

Kaderpersoneel di Gobierno ta conoce un
miho salario den 2026... more





MILLY SCHWENGLE A HURAMENTA COMO MINISTER PLENIPOTENCIARIO

DAMA HERIDA DEN ACCIDENTE RIBA GREEN CORRIDOR



EX MIEMBRO DI CEA CONDENA PA POSESION DI ARMA DECLARA LIBER

DAMA HERIDA DEN ACCIDENTE RIBA GREEN CORRIDOR



Green Corridor - ambulance y polis a bay
Diaranson anochi dos poco pariba di rotonde

Mahuma, e parti caminda cu ta bay pa Playa. Segun informacionnan, un accidente serio a sosode y cu lo tin persona riba caminda herida.

Unidadnan cu a yega a constata cu tawata trata di un solo auto, un Daihatsu. Na stuur tawata un dama,

cu a wordo saca for di auto y keda benta riba caminda.

Ta muestra cu e vehiculo pa un of motibo a bay na su man drechi y dal duro contra cero/muraya di calichi hopi duro pa despues termina algun meter mas leu.

Door di e impacto violento, e dama a resulta bastante herida y segun testigo e tawata tin basta azeta di motor riba dje.

Un testigo cu lo a mira mas o menos locual a sosode, tawata papia cu polis di trafico. Basta partinan di e auto a keda gespart riba caminda.

TUMA ACCION PA PREVENI, PROTEHA Y STOP DENGUE CON NOS POR STOP DENGUE?



SILENCIO DI GOBIERNO TA CAUSA PREGUNTA: KICO LO TA E SIGUIENTE PASO DI SINDICATONAN

Awe ta marca exactamente un luna despues cu minister Geoffrey Wever a anuncia un aumento salarial pa funcionarionan di gobierno den skala 13 te cu 16. Un anuncio cu a causa reaccion entre hopi empleado publico cu no ta cay bou e skalanan aki. Segun informacion ricibi, e diferente sindicatonan a manda un carta oficial na minister-president Mike Eman solicitando un reunion urgente pa haya clarificacion riba e decision di ajusta e skala salarial.

Den e carta, firma pa SEPPA, SIMAR, SPA, SADA, SINBA, FTA y

TOPA, sindicatonan a pidi pa representante di DRH y Directie di Financien tambe ta presente den e reunion. Te awe, segun sindicatonan, ningun contesta oficial no a yega riba e peticion di reunion. E situacion aki ta crea preocupacion entre hopi empleado publico. Hopi ta sinti cu e decision di aplica aumento solamente pa skala 13 te cu 16 ta laga un gran grupo di funcionario afo, apesar cu costo di bida na Aruba a subi pa tur funcionario igual. Pa hopi empleado, e cuestion principal ta cla: costo di bida no a subi solamente pa un grupo di empleado publico, pero pa tur hende.



Esaki ta haci cu e decision ta wordo mira como un forma di trato desigual dentro di aparato publico. Den medio di e silencio di gobierno, empleadonan awor kier sa kico ta e siguiente pasonan di sindicatonan. Hopi ta wak nan representantenan pa mira con e situacion lo wordo maneha y si lo tin accion pa defende interes di tur funcionario publico.

Pa hopi trahador di gobierno, e tema aki ya no ta solamente tocante un aumento salarial, pero tocante igualdad, respet y justicia laboral pa tur funcionario publico igual.

Parlamentario Xiomara Maduro:

BIBLIOTECA TA CONMEMORA 40 AÑA: DI BIBLIOTECA PUBLICO PA BIBLIOTECA NACIONAL

Dia 3 di maart ta un dia special den historia cultural di Aruba. Riba e dia aki 40 aña pasa, e Biblioteca Publico a cambia su nomber pa Biblioteca Nacional, marcando un paso importante den e desaroyo di un institucion dedica na preservacion di nos conocimiento, historia y cultura nacional.

Desde su fundacion, e biblioteca a bira un centro importante pa estudio, investigacion y educacion. A lo largo di e añanan, Biblioteca Nacional a dedica su mes na colecciona, conserva y comparti

publicacionnan, documentonan historico y informacion balioso tocante Aruba y su pueblo.

Pa conmemora e ocasion historico aki, a planta un mata di Watapana cu ta simbolo di fortaleza, resiliencia y crecimiento, cual ta refleha tambe e rol importante cu e biblioteca tin den nos comunidad.

Parlamentario Xiomara Maduro tabata presente pa felicita y gradici e directora y tur e personal di Biblioteca Nacional, pa nan dedicacion y servicio constante na bienestar di nos comunidad.





Noticia di Corte

EX MIEMBRO DI CEA

CONDENA PA POSESION DI

ARMA DECLARA LIBER

ORANJESTAD – Via video conference, Hof di Corte Superior a dicta sentencia den e apelacion di e homber F.vd B, contra su condena pa complice di posesion di arma di candela. Esaki a sosode Diaranzon merdia caminda Hof a declara F.vd B. liber.

SOLO DI PUEBLO por a compronde cu Procurador General (PG) a haya F.vd B. culpabel y a exige 18 luna di prison di cual 12 luna ta condicional. Hof a bisa cu tin duda den declaracion di e 2 testigonan y ta declara F.vd B. liber.

Luna pasa tratamiento di e caso a tuma lugar caminda F.vd B. a bisa Hof cu e no ta di acuerdo cu e condena di 20 luna di prison di cual 12 luna ta condicional cu 2 aña di prueba. El a bisa cu e no tabatin arma y cu tur e asunto aki ta un set up contra dje.

PISTOOL HAYA DEN TAS

Hof a mostra cu dia 7 November 2020, Polis a bay na un bar na Ponton caminda tabatin discusion entre dos hende homber. Polis a yega y a detene e homber P. cu tabatin un arma den un tas. Ta trata aki di un pistol Caliber 32. P. a bisa e agentenan di Polis cu ta F.vd B. a bis'e tene e arma p'e. Polis a detene vd B. tambe. Hof a bisa cu e homber P. tambe a wordo condena pa posesion di arma di candela.

ACUSADO TA CUESTIONA SET UP

Hof a puntra vd B., pakico el a apela cu e sentencia. Segun vd B., e ta convenci cu dos homber cu ta amigo di otro, a set up contra di dje. El a bisa cu P. y e homber L. a duna declaracion contra dje. F. vd B. a bisa Hof cu e no conoce L. Hof a mostra cu ta ora cu a detene P., el a bisa di biaha cu e arma ta di vd B. Segun vd B., e no sa cana cu arma y tampoco tas. El a bisa cu e ta cana cu cartera. Hof a puntra pakico vd B. ta pensa cu P. y L. a palabra pa bisa cu e arma ta di dje. Segun vd B., Polis no tin prueba

cu el a duna e arma na nan. Hof a bisa cu e dos hombernan ta hopi mas jong cu vd B. Segun vd B., e tabata 23 aña trahando cu CEA y a wordo kita door di e caso aki.

Hof a mostra cu Polis a haya e celular di vd B. den e tas di P. Segun vd B. e discusion tabata pafor di e bar y el a laga su celular riba mesa den e bar. E ta kere cu nan a coy su celular for di ariba mesa.

PG A EXIGI CASTIGO

PG a bisa Hof cu vd B. ta bisa cu e hombernan P. y L. a gaña riba dje cu e arma ta di dje. Polis a haya e arma den e tas di P. y un celular. E celular ta di vd B. P. a wordo condena na 22 luna di prison di cual 10 luna ta condicional. Na opinion di PG, P. na momento di detencion a bisa cu e arma ta di vd B. y L. tambe a confirma esey. PG a bisa cu P. ta traha cu vd B. y PG ta haya dificil cu P. ta bay gaña riba vd B. PG a bisa cu e no ta kere declaracion di vd B. cu ta e hombernan a coy su celular. PG ta kere cu e tas ta di vd B. PG a mostra cu como miembro di CEA, vd B. tabatin un arma ilegal. E ta haya cu no tabatin motibo pa a apela e sentencia. El a exige pa Hof condena vd B. na 18 luna di prison di cual 12 luna ta condicional cu 2 aña di prueba.

ABOGADO

Abogado mr. Steward a bisa Hof cu no tin prueba cu vd B. tabatin un arma di candela. Na opinion di mr. Steward, no por kere declaracion di P. y L. y ta haya cu no tin prueba di sosten. E abogado ta haya cu e dos hombernan P. y L., a tira e responsabilidad riba vd B. El a sigui bisa cu e declaracion di P. y L. ta contradictorio.

E abogado a mostra cu e homber L. a wordo declara liber siendo cu e tabata hunto cu P. El a bisa cu no a haya finger print di vd B. riba e arma. E abogado ta haya cu no tin indicacion cu e arma ta di vd B. El a mostra cu a haya e

arma serca P. E abogado ta haya cu Hof mester declara vd B. liber. E abogado a bisa Hof cu vd B. tabata traha cu CEA y door di e caso aki, el a wordo kita. E abogado ta lamenta cu e caso a tarda asina hopi pa wordo trata caminda a laga vd B. den incertidumbre.

VIDEO TA MIRA MOVECION SOSPECHOSO

Na opinion di Hof, no tin indicacion cu tur cos a pasa manera P. y L. a declara na Polis. Hof ta pensa cu e por ta cu nan kier a tira culpa riba F. vd B.

Hof a mostra cu den e tas di P. a haya e pistol y e celular di F.vd B. Hof a bisa cu for di imagennan di video di seguridad den e bar, por mira cu P. a bay den bar y a coy algo for di un mesa. Hof a bisa cu no ta mucho cla kico P. a coy y P. durante interrogacion na Hues Comisario, a bisa cu el a lubida kico el a coy for ariba e mesa.

ACUSADO DECLARA LIBER

Esey ta trece cun'e cu Hof tin duda den declaracion di P. y L. y ta declara F.vd B. liber

Clasificados










SOLODIPUEBLO@GMAIL.COM

CEL.585 9500



Fraccion di MEP: UN LIDER PREPARA NO TA WORDO SORPRENDI; NOS TA EXIGI PROTECCION PA BO PODER DI COMPRA

ORANJESTAD – "Aruba mester tin transparencia y un plan concreto. Nos no por permiti pa e tensionnan na Medio Oriente afecta e cartera di nos famianan sin cu tin un strategia pa wanta e sla," Evelyn Wever-Croes, lider di Fraccion di MEP a declara despues di a entrega un peticion oficial pa

un reunion urgente cu Minister Geoffrey Wever.

Liderazgo cu vision
Como un partido cu ta actua cu seriedad, MEP ta compronde cu un economia chikito manera di Aruba ta vulnerabel. E tensionnan entre Merca y Iran por nifica un subida



den prijs di gasolin y cuminda. Pa MEP, e bienestar di bo famia ta bin prome, y e mihor forma di proteha esaki ta door di ta prepara y no spera te ora e crisis t'ey caba. "Pueblo di Aruba merece sa cu nan representantenan ta traha cu responsabilidad. Nos compromiso ta pa garantisar estabilidad y cuida e placa cu bo ta traha duro pe tur dia," Wever-Croes a enfatisa.

Exigiendo claridad y siguridad pa bo cas
MEP a pidi e reunion publico aki pa e Minister informa Parlamento y comunidad riba puntonan cu berdad ta conta pa bo bida diario:
• Analisis di Riesgo: Con e tensionnan aki por afecta nos importacion y turismo?
• Medidanan Concreto: Kico Gobierno ta bay haci awe y awo mes pa evita cu prijsnan lo keda subi?

- Scenarionan Realistico: Con nos ta prepara si e prijs di combustibel keda halto pa hopi tempo?
- Pasonan Preventivo: Con nos ta proteha bo confiansa pa e economia no para?

E diferencia ta e trabou
Den momentonan di duda y inseguridad den mundo, e diferencia entre un politico cu ta djis papia y un cu ta traha ta den e accionnan aki. MEP ta demostra un biaha mas cu nan ta e bos di seriedad.

"Nos no ta bini pa crea panico, nos ta bini pa exige e profesionalismo y e transparencia cu Aruba tin mester aworaki.

Nos compromiso ta cla: interes di pueblo prome, awo y semper."



Corte di Prome Instancia 12 maart 2026

Horario	Sospechoso	Acto Castigabel
08.30	N.J.J.A	A. ta wordo acusa di destruccion y maltrato riba 10 di oktober 2024.
09.15	C.J-P.F. Z.T.P.V.	F. ta wordo acusa di ladroncia riba 5 di januari 2026, riba 10 di december 2025, 13 di september 2025 y 15 di november 2025 y di kiebrot y ladroncia riba 8 di augustus 2025. F. y P.V. ta wordo acusa di ladroncia di un turista riba 17 di september 2025.
11.30	S.T.G.	T.G. ta wordo acusa di posesion di marihuana riba 6 di januari 2026.

13.30	V.M.M.S.	M.S. ta wordo acusa di menaza cu crimen riba 28 di november 2024.
14.00	R.A.Q.	Q. ta wordo acusa di maltrato riba 19 di februari 2023, maltrato y menaza entre 10 di januari 2025 te 21 maart 2025, maltrato cu lesion grave riba 12 di juni 2025 y di cendemento di candela y maltrato y menaza riba 27 di september 2025.
15.30	J.S.O.	S.O. ta wordo acusa di a maltrato di su mes pareha riba 13 di oktober 2024, dor di dal e varios biaha cu cuchio na su curpa y corte/stake varios biaha cu e cuchio na su man.

Corte di Prome Instancia 16 maart 2026

Horario	Sospechoso	Acto Castigabel
08.15	M.V. R.R.G.D.	Uitspraak.

Corte di Prome Instancia 19 maart 2026

Horario	Sospechoso	Acto Castigabel
08.30	T.M.P.	M.P. ta wordo acusa di abuso sexual di un persona riba 6 di februari 2025.
10.00	J.A.M.	M. ta wordo acusa di maltrato riba 27 di oktober 2024.

EKIPO DI PREPARADORNAN FISICO DI COA TA SIGUI CU CURSONANAN DI CAPACITACION TECNICO

Entrenador Adolfo Gallego Salas ta duna curso di entrenamiento y capacidadnan fisico

Despues di a ricibi un curso virtual algun siman pasa, ekipo di preparadornan fisico di Comité Olimpico Arubano (COA) a ricibi un curso di entrenador Adolfo Gallego Salas di Colombia. Adolfo cu ta di bishita na aruba, ta entrenador di hisamento di peso tambe

ta traha como preparador fisico pa diferente deporte na Colombia. Algun año atras Adolfo tabata na Aruba como entrenador di e federacion di hisamento di peso “Aruba Amateur Weightlifting Association” (AAWA) unda a logra resultado historico pa Aruba hunto cu

atleta Joel Kuiperi, logrando un medaya di plata na e Weganan Suramericano Cochabamba2018.

Durante dos sesion na COA, e grupo a ricibi curso cu a trata diferente topico importante pa entrenamiento fisico. A trata e tema di organisa un plan di entrenamiento di preparacion fisico, cu ta conecta cu e necesidad di compronde e diferente capacidadnan fisico y condicional di cada atleta, cu por diferencia a base di e deporte cu ta practica. E capacitacion aki ta sirbi



pa asina por eleva e nivel di e preparadornan fisico cu ta continua traha cu tur atleta cu tin bista riba participacion na e Weganan cu tin pa e Ciclo

Olimpico.

COA ta gradici Adolfo pa su tempo y conocimiento comparti cu sigur lo yuda

nos entrenadornan sigui desaroya nos atletanan di TEAMARU.

#COA
#TEAMARU

#ARUBA

IPA TA TENE UN ANOCHI DI INFORMACION DI E ESTUDIO PA MAESTRO DI ENSEÑANSA PRIMARIO DIA 16 DI MAART

Dialuna dia 16 di maart 2026 Instituto Pedagógico Arubano (IPA) ta tene un anochi di informacion pa tur estudiante cu tin diploma di havo, vwo of mbo/EPI nivel 4 of cu ta den examenklas di un di e scolnan menciona, cu ta interesa pa haci e estudio pa Maestro di Enseñansa Primario na IPA.

E estudio aki ta forma maestro cu ta cualifica pa duna les na mucha di kleuter y of scol basico.

E anochi di informacion ta di 7:00 pm - 8:30 pm y lo tuma luga den Sala Madonna na IPA (Isaac Wagemakerstraat 11, San Nicolas).

Durante e anochi di informacion lo duna informacion general di e estudio pa Maestro di Enseñansa Primario.

Ademas di esaki lo elabora riba e procedura y prueba di admision

(beroepstest) cu mester cumpli cu ne. E prueba di admision ta obligatorio pa tur estudiante cu kier continua nan estudio na IPA. Lo tin varios docente di IPA presente, cu lo duna splicacion di e materianan cu ta forma parti di e prueba di admision. Na final lo tin oportunidad pa haci pregunta.

Bo tin deseo pa bira maestro di enseñansa primario? Esaki ta e momento, bay p'e!



MILLY SCHWENGLE A HURAMENTA COMO MINISTER PLENIPOTENCIARIO



Diaranson merdia, na Cas Ceremonial di Gobernador di Aruba, Su Excelencia Gobernador di Aruba, Alfonso Boekhoudt, den presencia di Consejo di Minister di Gabinete AVP-Futuro, a tuma luga e huramentacion di mr. M.G.M. (Mildred) Schwengle como Minister Plenipotenciario pa Hulanda. Cu esaki, Aruba ta fortalece su representacion strategico den Reino y su presencia na Europa.

Mildred G.M. Schwengle LLM ta un experto legal cu amplio experiencia den derecho constitucional, derecho publico internacional, gobernacion (publico y priva), financiamiento y negociacion di alto nivel. Schwengle a studia Derecho Hulandes na Katholieke Universiteit Nijmegen (awor Radboud Universiteit Nijmegen) entre 1984 y 1989.

Su carera profesional

a cuminsa den Ministerio Publico como plaatsvervangend Procureur Generaal (1990-1992) y despues como griffier na Gerecht di Prome Instancia di Aruba (1992-1994). Na 1994 Schwengle a bira abogado y desde 1996 te 2017 tabata partner na HBN Law, sirbiendo Aruba, Corsou, Boneiro, Sint Maarten y Saba.

Entre 2017 y 2023, Schwengle a ocupa e posicion prestigioso como miembro di Raad van State di Reino na Hulanda y a acesora Gobierno di Reino riba legislacion, decreto y tratadonan internacional, cu enfasis riba relacionnan den Reino.

Ademas di su experiencia institucional, Schwengle a actua varios biaha como abogado principal den proyectonan grandi di financiamiento, privatisacion di fondo di pensioen y adkision internacional cu



interesnan miyonario. Actualmente Schwengle ta dirigi negociacionnan den Reino riba finansa publico sostenibel y supervision financiero pa Gobierno di Aruba.

Cu un trayectoria caracteriza pa liderazgo, integridad y experticio huridico, Milly Schwengle tin un combinacion unico di experiencia di sector publico y priva. Gobierno di Aruba ta expresa su confiansa pleno cu Schwengle lo representa interesnan di Aruba cu dignidad, responsabilidad y vision strategico den Hulanda y den Reino.

Nombramento di

Schwengle como Minister Plenipotenciario ta marca un paso firme den fortalecimiento di e posicion di Aruba den

Reino, cu enfasis riba cooperacion, dialogo y defensa di interes nacional.

Clasificados

SOLODIPUEBLO@GMAIL.COM

CEL. 585 9500

PREMIER EMAN A PLANTA MATA DI WATAPANA BIBLIOTECA NACIONAL TA MARCA CELEBRACION DI STATUS APARTE Y HISTORIA DI INSTITUCION



En conexion cu celebracion di 40 aña di Status Aparte y 50 aña di Himno y Bandera, a tuma luga un ceremonia special na Biblioteca Nacional di Aruba, caminda Prome Minister Mike Eman, acompaña pa Minister di Enseñansa Gerlien Croes y Directora di Biblioteca Astrid Britten, a participa den e plantamento simbolico di mata di Watapana. E ceremonia aki ta conecta tanto cu e celebracion nacional como cu e historia di e institucion cultural importante aki.



A recorda un momento historico pa e biblioteca. Prome cu Aruba a logra su Status Aparte, e institucion tabata conoci como Biblioteca Publico Aruba. Sin embargo, riba 3 di maart 1986, poco despues di introduccion di Status Aparte, e nomber a cambia oficialmente pa Biblioteca Nacional Aruba, reflehando e posicion nobo di Aruba como pais dentro di Reino Hulandes.

E plantamento di e mata di Watapana, scogi specificamente pa e ceremonia, pasobra e mata nacional di Aruba tin un

significado profundo den cultura y identidad Arubiano. Durante su discurso, Prome Minister Eman a enfatisa e simbolismo di e mata. “E palo di Watapana tin hopi simbolismo pa ken nos ta como Aruba. E ta crece den mesun direccion cu nos biento y e ta un simbolo di superacion y fortaleza di nos naturalesa,” Eman a expresa.

Segun e Prome Minister, e simbolo aki ta refleha tambe e historia di Aruba como pais cu a supera retonan grandi durante añanan, pero cu a sigui avansa cu determinacion y orguyo.

E actividad ta forma parti tambe di e esfuerso nacional di reforestacion cu gobierno ta promoviendo pa restaura e paisahe natural di Aruba y fortalece consciencia riba proteccion di nos medio ambiente. Cu e ceremonia aki, e celebracion di Status Aparte ta conecta historia, cultura y naturalesa, recordando e caminda cu Aruba a recore mientras e pais ta sigui traha pa un futuro sostenibel pa e siguiente generacionnan.



MINISTER GEOFFREY WEVER TA ANUNCIA DESTAHO PUBLICO PA DESAROYO DI FINTECH PA ARUBA

Oranjestad, fecha - Minister di Finansa, Asunto Economico y Sector Primario, mr. Geoffrey Wever, a anuncia oficialmente un destaho publico pa desaroyo di e Plan di Implementacion di FinTech pa Aruba, marcando un paso concreto den e strategia di gobierno pa modernisa economia di Aruba y fortalece su posicion como un hub financiero digital competitivo den region. Desaroyo di e Plan di Implementacion di FinTech pa Aruba ta forma parti di e Landspakket y lo wordo financia pa Hulanda.

Desaroyo di FinTech ta parti di e maneho economico pa un economia resiliente, diversifica y prepara cu ta crea oportunidadnan nobo pa innovacion, mas inversion y empleo di nivel halto pa reduci e dependencia di Aruba riba un solo sector economico.

E destaho publico pa desaroyo di e Plan di Implementacion di FinTech pa Aruba ta forma parti di pasonan concreto di ehecucion di e maneho economico.

Den 2024 minister Geoffrey a cera un colaboracion strategico cu United Nations Economic Commission for Latin America and the Caribbean (UN-ECLAC), cu apoyo di Landspakket, pa analisa e potencial di FinTech, blockchain y digital currency pa futuro economico di Aruba.

Riba 12 di augustus 2025 Minister Geoffrey Wever a ricibi ricibi e estudio final riba e riesgonan, obstaculonan y oportunidadnan di e sector di FINTECH y evaluacion di e impacto di “Blockchain Technology” y “Crypto Currency”. E estudio a identifica diferente area cu ta rekeri modernisacion, incluyendo regulacion pa e-money, proteccion di data, seguridad cibernetico y servicio financiero digital. E resultado di e investigacion a ofrece un guia claro di reformanan necesario pa stimula innovacion mientras cu ta mantene estabilidad financiero y proteccion di consumidor.

Como parti di e estudio, UN ECLAC a reuni diferente partners manera Banco Central di Aruba, Camara di Comercio, ATIA, Setar N.V., Cybersecurity Center of Excellence, Insurance

Association of Aruba, Aruba Bankers Association, Digicel, Directie Telecommunicatie Zaken, Qredits Aruba, Gamma IT y diferente personanan clave den e sector di FINTECH pa asina sigura cu e direccion strategico ta basa riba realidad economico y financiero di Aruba, mescos cu practicanan internacional di nivel halto.

Den cuadro di informacion riba 25 di november 2025 Parlamento di Aruba a haya un presentacion amplio di UN-ECLAC riba e resultado di estudio pa desaroyo di FINTECH na Aruba. UN-ECLAC durante e presentacion aki a delinea e condicionnan institucional, legal y tecnologico necesario pa desaroya un sector FinTech seguro, inclusivo y competitivo.

Como parti di ehecucion di maneho e destaho publico tin como meta pa busca e experticio necesario pa traduci e resultadonan di e investigacionnan den un mapa di implementacion concreto y den fase. E trabao ta encera diseño di medidanan concreto pa modernisacion regulatorio, fortalecimiento di capacidad institucional y creacion di proceduranan claro pa innovacion y acceso na mercado den sector FinTech.

Entre e elementonan principal di e plan ta inclui desaroyo di cuadro regulatorio moderno pa transaccionnan electronico, firma digital y e-money, di acuerdo cu standardnan internacional manera esun establece pa UNCITRAL, asina tambe fortalecimiento di capacidad di autoridadnan supervisor pa maneha tecnologia emergente manera inteligencia artificial (AI) y blockchain.

Ademas, e plan lo explora mecanismo pa facilita innovacion responsabel, incluyendo posibilidad pa establece “regulatory sandbox”, cual ta permiti

empresanan innovador prueba solucionnan financiero nobo den un ambiente controla y supervisa.

“Un di e retonan mas grandi den gobernacion ta converti vision den resultado real. Cu e plan di implementacion aki nos ta tuma un paso concreto pa construi un pilar economico nobo pa Aruba — uno cu ta crea oportunidad



pa innovacion, empleo di calidad halto y crecemento orienta riba exportacion. Door di atende cu transformacion digital na un manera responsabel, Aruba por posiciona su mes como un hub moderno di servicio financiero den region Caribe. e plan di implementacion ta representa e transicion di vision strategico pa ehecucion concreto segun minister Geoffrey Wever”

E proceso di destaho lo wordo conduci como destaho publico di acuerdo cu Comptabiliteitsverordening di Gobierno di Aruba.

E proyecto ta planea pa wordo ehecuta entre april 2026 y october 2026.

Partidonan interesa por presenta preguntanan te 6 di maart 2026, mientras cu e deadline pa entrega di propuesta ta 20 di maart 2026. Interesadonan por solicita e Terms of Reference completo via e projectleider, Bryan Lenzinger, na b.lenzinger@deaci.aw. Por haña mas informacion tocante e destaho publico aki na <https://www.gobierno.aw/nl/openbare-aanbesteding-het-voorbereiden-van-een-implementatie-plan-voor-de-ontwikkeling-van-de>

Cu e iniciativa aki, Gabinete AVP-FUTURO ta sigui tuma paso concreto pa desaroya un economia diversifica, innovador y digitalmente conecta, garantizando cu pais Aruba ta keda competitivo globalmente mientras cu ta crea oportunidad nobo pa entrepreneurship, inclusion financiero y desaroyo economico duradero.

S	Z	Y	P	A	C	R	A	M	A	N	I	D	R	T	M	W	G	A	M	V	W	U	Q	E
F	V	Y	O	I	X	Y	S	S	S	V	D	V	C	A	I	C	E	R	G	M	P	L	A	G
S	Q	R	M	K	F	U	L	U	N	Z	A	R	Y	J	G	E	L	F	J	M	O	I	R	U
H	S	E	V	B	F	X	E	W	P	I	R	U	T	P	G	E	C	F	C	E	R	U	A	B
M	A	I	F	Z	I	C	O	K	N	E	Y	L	P	V	Q	Z	U	Z	L	A	T	W	L	E
I	A	A	Y	W	I	W	F	A	Y	S	I	D	C	F	C	A	F	R	G	R	U	Q	T	U
S	U	I	W	A	P	B	B	X	A	T	J	A	L	R	F	E	R	L	O	Y	G	Y	H	C
T	S	C	A	G	T	L	P	S	I	O	I	D	Q	E	C	H	U	R	R	N	A	F	M	E
V	T	N	I	G	A	X	E	X	C	N	E	H	P	G	K	B	H	Y	O	M	L	E	Q	B
A	R	A	N	K	W	Z	L	V	A	I	M	B	Y	Q	E	N	U	I	J	D	S	X	H	V
Z	I	R	O	G	T	A	A	R	O	A	C	U	E	A	I	I	T	R	L	N	N	A	H	G
J	A	F	L	M	S	I	C	Z	R	T	L	U	X	E	M	B	U	R	G	O	V	A	G	H
A	A	T	O	V	N	U	X	A	C	O	B	E	I	R	V	G	J	T	E	H	V	D	T	F
I	Z	S	P	O	A	I	D	N	A	L	S	I	A	A	T	B	D	J	K	P	W	F	K	N
U	T	B	T	B	J	C	I	U	R	A	M	C	V	I	F	A	A	I	N	A	M	E	L	A
Q	W	E	P	I	K	E	Q	C	A	I	H	H	T	S	C	W	W	F	R	P	M	S	M	M
A	L	K	T	P	R	L	D	Y	S	D	U	Y	N	U	M	P	E	N	B	H	U	T	O	C
V	E	R	O	H	M	I	M	T	I	N	G	G	M	R	O	A	X	Q	J	I	V	L	H	G
O	X	E	M	L	W	T	D	N	V	A	R	O	P	R	V	P	L	O	Z	L	D	U	X	D
L	H	D	X	S	V	U	R	L	I	L	K	M	P	O	Z	V	S	A	T	A	A	W	X	R
S	F	S	D	E	Y	A	Q	B	T	N	R	L	W	L	C	M	M	V	V	M	R	Z	C	Z
E	J	U	A	R	N	N	T	A	F	I	S	T	W	E	B	P	P	I	Q	T	O	E	Z	I
N	W	B	A	B	Z	I	L	H	A	F	D	E	I	I	A	T	A	X	A	I	L	A	T	I
W	O	X	F	I	E	A	K	Y	K	J	A	U	K	B	H	N	V	T	G	I	S	R	P	D
H	U	A	C	A	L	Z	C	N	K	W	H	R	S	C	V	J	Z	O	K	C	M	B	F	P

FIESTA ROTARIA 2026

“BINI UNO, BINI TUR”

Cu mas di 8 container di producto y mas premio pa mas impacto positivo na nos comunidad

ORANJESTAD (27 di februari 2026) – Rotary Club of Aruba ta orguyoso di anuncia oficialmente e fecha pa un di e eventonan mas grandi y mas spera di nos isla: Fiesta Rotaria 2026 lo tuma luga riba diadomingo 29 di maart 2026, for di 9:00am te 5:00pm, na Parking Lot Stadion Guillermo Prospero Trinidad na Dakota. Cu e lema “Bini Uno, Bini Tur”, e edicion 2026 ta invita henter comunidad pa reuni, celebra y alabes contribui na un causa noble.

Manera ta conoci, Fiesta Rotaria ta mucho mas cu un feria; e ta un evento familiar grandi cu ta combina supermercado, paña, cuminda, coi bebe, producto pa cas, mata, wega pa grandi y chikito, musica, baile y entretenimiento y mas. Ta un dia caminda amistad, ambiente y solidaridad ta encontra den un solo lugar.

Un di e punto culminante di e evento ta e gran rifa anual. Pa solamente Afl. 25,- pa ticket, participante tin oportunidad di gana un di 16 premio espectacular. E prome premio ta un Kia Carens 2026 completamente nobo, incluyendo un año di seguro gratis. Entre e otro premio tin 2 pasashi Economy Class Aruba–Amsterdam–Aruba, un iPhone 17 256GB, varios gift certificates di Afl. 1,500, Afl. 1,000 y Afl. 500, weekend stay pa

dos persona na hotel, un año di servicio di celular, un aircó di 12,000 BTU, pasashi Aruba–Curaçao, joya y un premio cash di Afl. 500. E sorteo oficial lo tuma luga e mesun diadomingo 29 di maart 2026 pa 5:00pm na presencia di notario.

Importante ta pa destaca cu, manera semper, tur fondo recauda durante Fiesta Rotaria ta bay bek directo den nos comunidad. Rotary Club of Aruba ta uza e entrada aki pa financia y sostene diferente proyecto social cu ta beneficia mucha, adulto mayor y otro grupo cu tin necesidad di apoyo. Asina, cada ticket cumpra y cada articulo bendi ta bira un inversion directo den bienestar di Aruba.

Como parti di e anuncio oficial, Rotary Club of Aruba a ofrece diabierna mainta un conferencia di prensa pa comparti

mas detaye tocante patrocinadonan, premio y logistica di e evento. Aki a hiba palabra Rubiela Lampe, president actual di Rotary Club of Aruba, Shelby Maduro como relacionista publico di Fiesta Rotaria y Bert Kamsteeg di e comision organizado.

Rotary Club of Aruba ta extende un danki sincero na tur patrocinado, boluntario y miembro cu ta traha incansablemente pa haci Fiesta Rotaria 2026 un gran exito. Sin e compromiso di comercio local y e apoyo continuo di comunidad, e impacto social di e evento no lo tabata posibel.

Marca e fecha awor: 29 di maart 2026. Bini Uno, Bini Tur – y haci parti di un tradicion cu no solamente ta celebra comunidad, sino tambe ta fortalece y yuda construi un futuro miho pa Aruba.



ACCION POLICIAL DEN CARIBE HULANDES

ACCION PA CU ENTREGA DI ARMA DI CANDELA ILEGAL



Santa Cruz, ARUBA: Cuerponan Policial di Caribe Hulandes den cooperacion cu e Colegio di Hefenan di Cuerpo (college van korpschef), ta anuncia lansamento di un accion interinsular relaciona cu entrega di arma di candela ilegal.

E iniciativa conhuntamente ta un colaboracion di e organisacionnan di Caribe Hulandes cu cooperacion

di Ministerionan Publico di Aruba, Corsow, Boneiro, Saba, Sint Eustatius y Sint Maarten.

Pa prome biaha tur e islanan aki simultaneamente ta traha riba un accion di entrega di arma di candela ilegal. E meta principal di e accion coordina aki ta, pa brinda tur esnan cu ta den posesion di un arma di candela ilegal, e

oportunidad pa di un forma boluntario entrega esaki durante di un periodo determina, sin cu e tin consecuencia penal pa violacion di e ley di arma di candela.

Cu e accion colectivo aki e islanan kier manda un mensahe fuerte: arma di candela ilegal y violencia cu arma

no ta wordo tolera den nos comunidadnan.

E proyecto ta refleha e responsabilidad comparti di tur e islanan pa hisa e seguridad publico.

E momento sincronisa di e accion ta demostra e strategia regional di union, pa alcanza na reducion di e cantidad di armanan di candela ilegal cu tin den circulacion y asina preveni tambe e cantidad di violencianan cu arma di candela.

A base di resultado di e



accion aki, e cuerponan hunto cu Ministerionan Publico lo intensiva e esfuersonan.

Esaki dor di eherce controlnan y entradanan hudicial cu lo bai tin na tur parti y sitionan riba e islanan, buscando arma di candela ilegal. Cuerponan policial di tur e islanan ta haci un yamada na tur ciudadano pa asumi nan responsabilidad y contribui

na un sociedad mas sigur,

dor di hasi bon uso di e oportunidad encuestion.

Dor di entrega bo arma di candela ilegal awor, bo ta evita di keda persigui penalmente y ademas bo ta salba

bida.

Mas detaye tocante temporada, localidad y procedura pa entrega di arma di candela, lo keda comunica dor di cada Cuerpo policial individualmente, den e dianan cu ta sigui

DVG ta informa

SUSHI DEPOSITA NA DAMNAN TA MENASA PA SALUD PUBLICO

ORANJESTAD, Aruba – 04 maart 2026: Segun un noticia publica ayera. Departamento di Agricultura Santa Rosa a expresa su preocupacion pa cu e situacion unda sushi ta wordo benta rond di damnan na Aruba. Na diferente damnan, sushi ta keda tira na rand of asta den e awa mes, algo cu Santa Rosa ta cualifica como condenabel. E damnan aki no ta simplemente almacena awa. Na Aruba, hopi cunukeronan ta usa e awa di dam pa muha cosecha y tambe pa duna bestianan bebe. Ora sushi ta wordo tira na of

den e damnan aki, e awa por wordo contamina cu bacteria, sustancianan peligroso of resto di material cu por afecta salud tanto di animal como di hende. E peligro ta serio. Bestia cu bebe awa contamina por bira malo of transmiti enfermedad. Si e awa contamina ta usa pa agricultura, e contaminacion tambe por drenta den e cadena alimenticio. Esaki por crea riesgo pa salud publico, specialmente ora producto di tera local ta yega na consumo humano. Ademas di esaki, tambe ta

wordo haci un apelacion na companianan di chica poz pa tene cuenta cu e peligro cu nan por ocasiona. Deposita awa sushi den damnan of laba trucknan di chica poz cu awa di dam por contribui na contaminacion di e awa. Practicanan asina no solamente ta afecta medio ambiente, pero tambe por pone den peligro agricultura, bestianan y salud di comunidad.

E preocupacion ta aun mas relevante awor cu mercado di productonan local ta creciendo na Aruba. Cu mas produccion local ta wordo

promovi y consumi, ta mas importante aun pa sigura cu e awa cu ta wordo usa pa agricultura ta limpia y seguro.

Autoridadnan ta sigui insisti cu damnan no ta lugar pa deposita desperdicio. Mantene e damnan limpi ta esencial pa proteha produccion local, bienestar di bestia y salud publico di Aruba.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, of

Follow nos den WhatsApp Channel, subi nos website www.dvg.aw, yama nos na 5224200 of mail nos na servicio@dvg.aw



DBB TA URGI CIUDADANONAN PA EVITA BIAHE PA MEDIO ORIENTE

O R A N J E S T A D : Ministerio di Asuntonan Exterior di Reino Hulandes, pa medio di Departamento di Relacionnan Exterior di Aruba (DBB), ta emiti un aviso urgente na tur ciudadano pa evita biahe pa Medio Oriente.

E yamada aki ta bini como resultado di e riesgonan di seguridad halto cu ta afectando e region actualmente.

Riesgonan y situacion actual
E situacion na Medio Oriente ta keda extremadamente tenso y impredecibel. Tin un riesgo real pa ceramento

di espacio aereo y cancelacion di buelonan sin previo aviso. Ademas stranheronan, incluyendo ciudadanonan di Reino Hulandes ta core un riesgo eleva di detencion arbitrario.

Ta pidi pa tene cuenta cu, den situacionnan di crisis, e capacidad di Embahada Hulandes pa brinda asistencia consular por ta hopi limita of inexistente. E advertencia aki ta conta en particular pa biahenan pa Iran, Israel, Irak, Libanon, Emiratos Arabes Uni y e islanan Abu Musa y Tunb.

Instruccion urgente:

Crisis Contactformulier (Deadline 6 di Maart) Ministerio di Asuntonan Exterior di Reino Hulandes ta conseha tur persona cu ya caba ta den e region pa evalua nan situacion y sali for di e area si esaki ta posibel di un forma sigur y controla.

Actualmente e Crisis Contactformulier ta wordo uza pa personanan cu a keda pega den e siguiente teritorionan: Israel, Territorionan Palestino (West Bank), Jordania, Iran, Irak, Libanon, Oman, Bahrein, Kuwait, Qatar, Saudi-Arabië y Emiratos Arabes Uni. E Crisis Contactformulier por ser haya riba e website

di Ministerio di Asuntonan Exterior di Reino Hulandes via e siguiente link: <https://www.nederlandwereldwijd.nl/crisis/formulier>

- **Deadline:** E formulario aki lo cera diabierna 6 di maart 2026 pa 12:00 di merdia (ora di Hulanda).

- **Condicionnan:** Por yena e formulario solamente si bo ta pega den e paisnan menciona y bo ta biba na Hulanda of den e parti Caribense di Reino manera Aruba, y bo tin nacionalidad Hulandes (of bo ta partner/niu di un persona cu nacionalidad Hulandes).

Asistencia y Registro
Pa keda informa di e desaroyonan mas reciente, ta crucial pa registra via e Informatieservice: <https://informatieservice.nederlandwereldwijd.nl/>. Esnan den necesidad por tuma contacto via e contactcenter 24 ora pa dia via: +31 247 247 247.

Departamento di Relacionnan Exterior Aruba ta enfatisa e importancia pa keda alerta, bon informa y sigui estrictamente e consehonan di biahe oficial via e website di Ministerio di Asuntonan Exterior di Reino Hulandes: www.nederlandwereldwijd.nl/reisadvies.

REPRESENTANTE PERMANENTE DI NACIONNAN UNI TA HACI BISHITA DI INTRODUCCION CERCA MINISTER DOWERS



Sra. Lise Gregoire-van Haaren, Representante Permanente (apunta) di Reino Hulandes na Nacionnan Uni na New York, a haci un bishita di introduccion na Minister di Husticia, Integracion, Transporte Publico y Energia, mr. drs. Arthur Dowers. Durante e bishita, a papia riba desaroyonan internacional actual, migracion, estabilidad regional y cooperacion internacional. Sra. Gregoire-van Haaren tin un carrera impresionante. Gregoire-van Haaren a traha na Ministerio di Asunto Exterior di Reino

Hulandes y a ocupa diferente funcion diplomatica na Den Haag, Bruselas, Paris y New York. Tambe a sirbi como Embahador y como Representante Permanente suplente na ONU, entre otro durante membresia den Consejo di Seguridad di ONU na 2018. Tambe Gregoire-van Haaren a ocupa e posicion di Director di Union Europeo y Director-General suplente di Cooperacion Europeo na Den Haag. Su amplio experiencia den cooperacion Europeo, diplomacia multilateral y relacion internacional ta forma un base fuerte pa cooperacion continuo den Reino y na nivel di ONU. E bishita aki ta enfatisa e

importancia di coordinacion estrecho entre Aruba y e Representante Permanente na Nacionnan Uni, mirando interes comun y posicion internacional.

Santa Misa 7 maart '26 na Kapel di Kapel Alto Vista y Blue Army San Nic.

Pa 7 or di mainta, Santa Misa na Kapel di Curason di Maria (Blue Army y na Alto Vista. Prome cu Santo Misa ta resa Santo Rosario pa 6.15 “Misterio Gososo”, despues ta sigi cu Salve Regina. Ta invita tur deboto y fielnan di Mama Maria pa asisti na e Santa Rosario prome cu Santa Misa. E ta entercede pa nos na nos Tata Celestial. Papa Leon ta pidi pa henter mundo resa e Santo Rosario pa bienestar di henter mundo. Pa reina pas y tranquilidad den nacionnan cu ta den guera. Papa Leon XIV Y Obispo Charles y tur sacerdote, DiaconoNAN y laiconan cu ta hiba e bon noticia pa e pueblo di Dios. Pa nos Gobernantenan y tur cu ta carga responsabilidad pa nos pais Aruba. Pa enfermonan den exterior cu a bay busca

nan salud. Cu pronto regresa na Aruba pa sigi gosa di un bon salud den nan su famia stima. Luna di maart ta dedica na San Hose. Ban canta y pidi Jesus yuda nos den nos necesidadnan. Ban hinca rudia busca refugio na nos Mama Celestial. E ta guia nos riba e Caminda di Dios. Cu Mama Maria den nos curason, nos Mama stima, compana nos den e caminda di pas. Ban hunto resa pa nos hogar y nos isla Aruba. Pa tin pas y comprension un pa otro. Den nos oracionnan resa pa por yega na e pas desea. Bendicion Cordial saludo Coordinador: Sr. Mario Werleman cel: 593 7048 Pastoor Huancho Pilongo 585 8378 Centro Pastoral Sta. Cruz

Marooning Practices

Exposicion final di residencia artistico Echoes of the Islands FROM STORIES TO ARCHIVES



San Nicolas, Aruba – Art Rap Foundation ta presenta Marooning Practices, e exposicion final di e residencia artistico Echoes of the Islands: From Stories to Archives. E apertura lo tuma luga riba diabierna 13 di maart pa 7:30 p.m. na Esquire Building, Bernard van de Veen Zeppenfeldstraat 67, San Nicolas, Aruba.

Entrada ta completamente gratis y habri pa publico general. Marooning Practices ta reuni artista residente y artistanan local cu nan practica contemporaneo ta aborda libertad no manera un historia sera, sino manera un condicion activo y den constante transformacion. Basa riba e contexto di San Nicolas – un ciudad post-petrolero y migrante, forma pa hopi historia y comunidad – e exposicion ta explora proceso di resignificacion di memoria relaciona cu esclavitud, mas leu di marco institucional y colonial tradicional. E residencia a conta cu participacion di Jafer Cruz Cordero (Puerto Rico) y Raily Yance (Colombia–Venezuela), cu nan investigacion artistico nan drenta den dialogo directo

cu archivo, experiencia bibí den tejido social di Aruba. Nan obra ta presenta hunto cu artista invita di Aruba: Alida Martinez, Natusha Croes, Olga van Bochove y Velvet Zoé Ramos, creando un intercambio dinamico entre perspectiva internacional y local. E exposicion ta cura dor Nelson Gonzalez (Aruba), cu asesoria curatorial di Gerardo Zavarce (Republica Dominicana) y participacion como curador invita di David Guerra (Puerto Rico). Marooning Practices ta enfatisa riba metodologia no extractivo, basa riba presencia, dialogo y agencia comparti. E obra ta activa archivo y conocimiento comunitario pa cuestiona narrativa historico polarisa y propone forma nobo di relacion cu memoria, territorio y pertenencia. Marooning Practices ta posiciona arte como un espacio di autonomia, reflexion y construccion colectivo den e contexto actual di reparacion historico y reinterpretacion contemporaneo. E proyecto aki ta realiza danki na e apoyo generoso di Cultuurfonds Caribisch Gebied (CCG)

via DNB Fonds, VNO – Vertegenwoordiging van Nederland in Aruba,

Mondriaan Fonds y Art Rap Foundation. Pa mas informacion:

Art Rap Foundation
artrapfoundation@gmail.com

ART RAP FOUNDATION INVITES YOU TO THE OPENING OF THE EXHIBITION

MAROOONING PRACTICES

FINAL EXHIBITION OF THE ARTIST RESIDENCY

ECOS DE LAS ISLAS: FROM STORIES TO ARCHIVES

ARTISTS IN RESIDENCE
JAFET CRUZ CORDERO, PUERTO RICO
RAILY YANCE, COLOMBIA - VENEZUELA

GUEST ARUBAN ARTISTS
ALIDA MARTINEZ
NATUSHA CROES
OLGA VAN BOCHOVE
VELVET ZOÉ RAMOS

CURATED BY: NELSON GONZALEZ- AUA
CURATORIAL ADVISOR: GERARDO ZAVARCE -RD
GUEST CURATOR: DAVID GUERRA -PR

FRIDAY MARCH 13 7:30 PM

**ESQUIRE BUILDING
BERNARD VAN DE VEEN
ZEPPENFELDSTRAAT 67
SAN NICOLAS, ARUBA**

MADE POSSIBLE WITH THE SUPPORT OF CULTUURFONDS CARIBISCH GEBIED, THROUGH THE DNB FONDS, VNO - VERTEGENWOORDIGING VAN NEDERLAND IN ORANJESTAD AND MONDRIAAN FONDS

SOPI DI LETRANAN

U D D U L C E S H P D C M X M S C P T Y
M A S C A R A E I S U Q B O O K M S H G
R K H R C Y G G H W L F C S N F J P E U
C A L A B A Z A Q F T M I F S F W U C O
E S Q U E L E T O F Y U O P T H I U H W
S T R A G N Q S Q X B E B U R K X I I J
V G R Q F H K W O R G R R T U M B A Z O
Y F R L A D T Y M O G T U K O P X G O E
V X L N N I R L O D N E J M S H O A U N
T Q R A T S U F T X N C A C E Y J T A O
V V J J A F C B P I H K P C O V W O G U
L J W O S R O G U L R U Z P H F D E M R
N T X B M A C H T L L U X H F U Z U A N
Q K X J A Z V Y V A M P I R O I M U G Q
V G S C X D M I E D O Z Q M B K C E I E
A R I Y A C Z I Z Z J L H L C D W C A N

1. BRUJA

2. ESQUELETO

3. DISFRAZ

4. MASCARA

5. MIEDO

6. TUMBA

7. MAGIA

8. MONSTRUO

9. TRUCO

10. FANTASMA

11. HECHIZO

12. DULCES

13. MUERTE

14. CALABAZA

15. VAMPIRO

16. GATO

SUDOKU

5

4

8

6

1

3

7

6

7

7

1

4

8

3

9

3

8

4

8

2

9

7

4

9

5

6

2

6

7

8

9

2

5

4

3

6

5

4

7

8

3

5

7

2

9

8

6

5

3

4

8

9

8

3

6

7

4

6

8

9

1

2

4

8

8

4

1

9

7

5

3

7

4

2

9



Oracion di dia

Un feliz dia y cu Dios bendiciona boso ricamente

"P'esey obedece y sigui tur cos cu nan bisa, ma no haci manera nan ta haci si! Pasobra nan mes no ta haci loke nan ta bisa. Mateo 23,1

Rumannan e Palabra di Dios ta siña nos cu nos mester ta atento, hopi hende ta papia bunita pero nan bida ta mustra e contrario.Nos mester purba sigui e bida di Hesus.


E no ta facil pero e recompensa ta Bida Eterno. Awo cu ta tempo di Cuaresma ban pidi Hesus laga nos cana hunto cu nE.

Si nos conoce su Palabra ban bibe. Ban cana cu Hesus, ora nos trompeca pidi'E lanta nos bek. Bunita ta cay y lanta bek y reconoce cu nos a comete un eror y pidi pordon. Sea humilde.

Oracion: Dushi Hesus nos kier ta humilde, cana den Bo pasonan. Guia nos y mustra nos cua ta e obra cu Bo kier nos haci den e Cuaresma aki. Laga nos papia y ta un ehempel di Bo den obra y nos bida diario.

Amen.

Bin disfruta di Mercado Santa Rosa diasabra awo



For di algun aña caba Departamento di Agricultura, Cria y Pesca, Santa Rosa ta organisando su Mercado Santa Rosa riba diasabra. Esaki ta debi na e demanda pa cumpra y ta mas aclansabel productonan local fresco produci. Nos clientela den mayoria caso ta pidi pa esaki. Logicamente nos departamento a yega na e conclucion pa organisa esaki den un escala mas chikito cu entre otro 15 pa 20 productor local cu ta bin ofrece nan producto. Tratanto tambe pa organisa esaki maske ta un biaha pa luna.

Na luna di Januari e aña aki nos a ranca sali cu nos prome Mercado Santa

Rosa di cual un biaha mas tabata masha exitoso. Nos bishitantenan a yega for di tur parti pa hasi nan compras y combersa den ambiente placentero y probecha tambe pa disfruta di prijsnan alcansbel pa nan cartera. Esaki no ta un mrcado grandi manera ta nos tin gustumber di organisa. Esun di riba diasabra ta enfoca mas riba nos productonan local den un escala mas chikito, facil conviniente y rapido.

Diasabra awo 7 di maart cuminsando for di 8’or di mainta te cu 12’or di merdia un biaha mas lo bai ta e caso caminda nos ta extende un invitacion na Aruba completo pa pasa

hasi nos un bishita awor cu orario extendi y hasi bo compras di productonan fresco produci for di nos mesu suelo. Manera ta gustumber varios di nos producto local ta aki den nos mercado so bo por haye. Asina ta no perde e oportunidad aki di bin probecha y pasa un rato ameno y cu prijsnan alcasbel. Lo bai tin entre otro carni fresco, fruta y berdura fresco y sin laga afo productonan natural. Pasabocanan dushi traha na cas pa nos mesun hendenan.

Nos ta infroma tambe na nos clientela di Mercado Santa Rosa cu despues di dia 7 di maart awor nos lo continua riba tur diasabra aki mes na Santa Rosa cu nos for di 8’or di mainta te cu 12’or di merdia y asina complaciendo tur nos clientela cu ta desea di cumpra productonan fresco riba tur disabra awor esaki ta bira posibel. Asina ta marca bo calendario for di awor riba tur diasabra por bishita Mercado Santa Rosa pa cumpra bo producto. Nos mester menciona si cu



posiblemente lo bai yega un momento cu kisas no tin suficiente producto local e ora nos lo informa nos clientela cu un of otro Mercado Santa Rosa lo wordo posponi debi na falta di produccion. Tene bon cuenta cu esaki y sigur sigui nos pagina di Facebook caminda cu nos lo informa cualkier

cambio di nos Mercado Santa Rosa.

Pa e weekend aki di diasabra 7 di maart bo ta cordialmente invita pa hasi nos un bisita for di trempan 8’or di mainta te cu 12’or di merdia pa ercado Santa Rosa den un formato mas chikito pa abo por porbecha di locual ta bai tin pa ofrece.

 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - March 05, 2026		
 Sorteo # 4909 4267 3237 8608  X2  Sorteo # 4909 8500  FP  Sorteo # 2966 0652  Sorteo # 4909 0097 Piscis  Sorteo # 1783 970  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 230.000,-	
 Sorteo # 0 x Jackpot 0 x Match 4 0 x Afl. 8,00 Proximo Jackpot 73.000,-		
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 290.000,-		
 Afl. 400.000,-		
 Sorteo #		